

Erkin irezaziozu

5 “JUAN TORRES”
Enpresa-ideia eta
-proiektu berritzaileak
LEHIAKETA

Erkin iezaiozu

1	HITZAURREA	3
2	“ENPRESA BERRITZAILE SORTU BERRIEN NEGOZIO-PLANAK” MODALITATEA.....	3
2.1	NORENTZAT.....	3
2.2	PROPOSAMENEN EDUKIA	3
2.3	NOIZ ETA NON AURKEZTU	4
2.4	ESKAKIZUNAK	4
2.5	SARIAK.....	5
2.6	BALORAZIO-BATZORDEA	5
2.7	JABETZA INTELEKTUALA	6
2.8	ERABAKIA.....	6

Erkin lezaiozu

1 HITZAURREA

Ermuko Udalaren Toki Garapeneko Alorrak "JUAN TORRES" ENPRESA -IDEIA ETA PROIEKTU BERRITZAILEEN LEHIAKETAn parte hartzeko deia egiten du. Aurreko edizioetan legez aurtegoan ere honako modalitateak egongo dira aukeran:

1. Ideia berritzaileak eta sortzaileak

2. Enpresa berritzaile sortu berrien negozio-planak.

Oinarri hauek ondorengo **modalitateari** dagozkio:

2 "ENPRESA BERRITZAILE SORTU BERRIEN NEGOTIO-PLANAK"

2.1 Norentzat

Beren proiektua garatzeko negozio-plan bat abiaratzeko asmoa duten pertsona eta enpresa ekintzaileentzat

2.2 Proposamenen edukia:

Ereduak adierazten duen bezala, proposamenak eduki hauek izan beharko dituzte gutxienez:

- a) Proiektuaren izenburua.
- b) Talde sustatzaile/ekintzailearen aurkezpena.
- c) Enpresa-proiektua betetzeko deskribapena (gehienez 2-3 orri); honako atal hauek izango ditu:

- Enpresa-jarduera eta -helburuak.
- Garatuko diren produktu/zerbitzuak.
- Helburu duen merkatuaren balioztapena.
- Aurreikusitako finantza-beharrak.
- Sortu ditzakeen zuzeneko edo zeharkako lanpostu kualifikatuak.
- Ermuko ekonomia- eta enpresa-garapenari egin diezaiokeen ekarpena.
- Enpresa-ideiaren AMIA azterketa orokorra.

- d) **Berrikuntza teknologikoko** proiektuaren deskribapena. Honako atal hauek izango ditu:

- **Ekonomia- eta merkatu-ingurunea:**

- 1. Merkatuaren ekonomia-ingurunearen deskribapena
- 2. Produktu/zerbitzuaren abantaila konpetitiboak
- 3. Merkatuaren potentzialtasuna eta erakargarritasuna, merkatuaren segmentazioa
- 4. Lehiakideen azterketa eta haiekiko jarrera.

- **Produktu/zerbitzuen deskribapena:**

- 1. Produktu/zerbitzuaren berritze-maila
- 2. Asebetetzen dituen beharrak
- 3. Aurreikusitako salmenta-bideak
- 4. Sustapen- eta komunikazio-plana

Erkin lezaiozu

- **Eragiketa-planaren definizioa:**

1. Produkzio-prozesuaren deskribapen orokorra, behar izanez gero
2. Helburuen eta estrategien deskribapena
3. Enpresaren kokalekua
4. Jarduera garatzeko beharrezko aktibo finkoen eta azpiegituraren deskribapena

- **Giza Baliabideen Planaren eta Antolakuntzaren definizioa:**

1. Enpresaren Giza Baliabideen politika orokorraren deskribapena
2. Hasierako langile kopurua

- **Plan Teknologikoaren definizioa:**

1. Enpresaren helburu eta estrategia teknologikoen deskribapena
2. Plataforma teknologikoaren deskribapena (hardware, software, etab.)
3. Beharrezko inbertsioen balorazioa

- **Ekonomia- eta Finantza-planaren definizioa:**

1. Inbertsioen plana
2. Finantza-aurreikuspenak (sarreraren eta gastuen bolumena, egoeraren balantzea, altxortegiko aurrekontua)
3. Ekonomia- eta finantza-azterketa (BEGb, BET, maniobra-fondoa, errentagarritasuna, etab.)
4. Finantzaketa-estrategia
5. Erabili daitezkeen finantza-baliabideak

2.3 Noiz eta non aurkeztu

- Proposamenak 2010eko apirilaren 21 baino lehen aurkeztuko dira.
- Ingurumena errespetatzeko xedez, proposamenak posta elektronikoz bakarrik aurkeztuko dira ondoko helbidean: abiapuntu@udalermua.net.
- Bidaltzen diren proposamenak honako erreferentzia jasoko dute: **“JUAN TORRES” ENPRESA-IDEIA ETA PROIEKTU BERRITZAILEEN LEHIAKETA**.
- Aurkezpena egokia ez izateagatik proposamena zuzendu behar izanez gero, beste 5 eguneko epea emango da horretarako.
- Birusen bat daukaten proiektuak automatikoki baztertuko dira hautaketa-prozesutik.

2.4 Eskakizunak

- a) Deialdi honetan parte hartzeko beharrezkoa izango da proiektuaren ondorio den enpresa-ekimena, produktua edo zerbitzua Ermuan gauzatzea.
- b) Proiektuak originalak, berriak, gazteleraz edo euskaraz idatziak eta beste lehiaketa batzuetan sarituak izan daitezke, baldin eta sustatzaileek Ermuan martxan jartzeko asmoa baldin badute.

Ekin iezaiozu

- c) Modalitate honetako sariak jasotzeko enpresa abian egongo da 12 hilabeteko epean gehienez. Hori frogatzeko beharrezkoa izango da eratzeko eskritura eta IFK edo identifikazio fiskaleko txartela aurkeztea.
- d) Proiektua enpresa batek aurkezten badu, haren jarduera ezin da izan 2009ko abenduaren 21 baino lehenagokoa ("Juan Torres" Enpresa-idea eta –proiektu Berritzaileen 5. Lehiaketara aurkeztu baino lau hilabete lehenagokoa), gainera egoitza soziala Ermuan izan beharko du.

2.5 Sariak

Modalitate honetarako sariak hauek izango dira:

- **9.015 €ko** lehen saria eta Izarra enpresa-haztegian kokatzeko aukera, I+Eko enpresen baldintza beretan (lehen urtean alokairuaren prezio publikoaren % 50 ordainduko du udalak, eta % 40 bigarren urtean, eta irekitze-baimenaren % 100. Horri honako hau ere gehitu behar zaio: lehen bi urteetan, urte bakoitzeko, % 10eko hobaria izango du enpresa-ekimena sustatu duena emakumea bada edo, enpresen kasuan, gehiengoa emakumeak badira).
- **3.005 €ko** bigarren saria eta Izarra enpresen haztegian kokatzeko aukera, I+Eko enpresen baldintza beretan (lehen urtean alokairuaren prezio publikoaren % 50 ordainduko du udalak, eta % 40 bigarren urtean, eta irekitze-baimenaren % 100. Horri honako hau ere gehitu behar zaio: lehen bi urteetan, urte bakoitzeko, % 10eko hobaria izango du enpresa-ekimena sustatu duena emakumea bada edo, enpresen kasuan, gehiengoa emakumeak badira).

Honela ordainduko dira sariak:

- % 50 enpresa eratzen den unean, eratzeko eskritura aurkeztuz eta merkataritzako erregistroan edo kooperatibenean izena emanez.
- % 50 eratu eta merkataritzako erregistroan edo kooperatibenean izena eman osteko sei hilabeteetan, jarduerari ekin zaiola egiaztatzeko aurrez dagokion EJZn alta aurkeztuz.

Sarien epai ofizialetik urtebeteko epea igaro ostean enpresarik eratu ez bada edo jarduerari ekin ez badio, hori justifikatzeko arrazoirik izan gabe, galdu egingo du kobratzeko dituen kopuruak jasotzeko eskubidea..

Sariak eta fiskalitatea: Irabazleek adierazi ahal izango dute –aurrez justifikatuz– saria gauzatzeko modua (pertsona fisiko baten edo hainbaten edo juridikoaren izenean) eta, edozein kasutan, horien koste fiskala beren gain hartuko dute.

2.6 Balorazio-batzordea

Balorazio Batzordea Udaleko teknikariek osatuko dute. Proposamenen kalitatea eta horiek oinarriekin bat datozen baloratuko da.

Balorazio Batzordeak honako aukeraketa-irizpide hauei jarraituko die:

- Proiektua berritzailea izatea (25 puntu)
- Enpresa-planaren enpresa-, teknologia- eta ekonomia- eta finantza-bideragarritasuna (25 puntu)

Erkin lezaiozu

- Ermuaren garapena bultzatzeko eta dibertsifikatzeko gaitasuna (20 puntu)
- Zuzeneko edo zeharkako lanpostu kualifikatuak sortzeko gaitasuna (20 puntu)
- Talde sustatzailearen inplikazioa eta talde kudeatzailearen esperientzia (10 puntu)

“Juan Torres” lehiaketara aurkezturiko proiektuari dagokionez, lehiakideek eskatu eta/edo lortutako edozein diru-laguntza, laguntza edo beste lehiaketaren baten eskuratutako edozein sariren berri eman behar dute, baita justifikatu ere.

2.7 Jabetza intelektual

Deialdi honetan parte hartzen duten guztiek aitortzen dute aurkeztutako proposamenetako titulu-jabetza eta legitimazio nahikoa dituztela. Edukiei dagokienez, adierazten dute ez duteal urratzen hirugarren batek Espainian edo atzerrian izan dezakeen jabetza intelektual edo beste edozein eskubide, eta antolatzaileak aipaturiko proiektuaren erabileraren ondoriozko erantzukizunetik kanpo geratzen direla. Edozein kasutan, beren proposamenetako edukien erabileraren ondoriozko kalte-galeren erantzule bakarrak partaideak izango dira, baita horien erreprodukzio, hedatze edo banaketarenak ere.

Proiektuak (edo horien jabetza intelektual) sustatzaileenak izango dira, eta erakundea ezingo da horien jabe egin.

Gainera, sariak banatu arte proiektuen edukia ez hedatzeko konpromisoa hartzen du antolakuntzak. Entitate antolatzaileei edo kolaboratzaileei (Balorazio Batzordeari, Epaimahaiari eta deialdia egiten duten entitateetako teknikariei) baino ez die emango horren berri.

2.8 Erabakia

Epaimahaia deialdia egin duen erakundeko ordezkariak osatuko dute.

Epaimahaikoen erabakia jendaurreko ekitaldian emango zaie ezagutzera partaideei. Horrez gain hedabideetan ere argitaratuko da.

Epaimahaikoek sari guztiak edo batzuk eman gabe utzi ahal izango dituzte proiektu kopuru nahikoa aurkezten ez bada edo aurkeztutakoek behar beste kalitaterik ez badute. Sariren bat eman gabe geratzen bada epaimahaikoek bi aukera izango dituzte: beste deialdi publiko bat egitea edo kasuan kasuko zenbatekoa beste kategoriatara bati ematea. Halaber, saririk gabe geratu arren kalitate nabarmena izan duten lanen ohorezko aipamena egin dezakete.

Epaimahaiak lehiaketa honen oinarriak interpretatu eta osatzeko ahalmena izango du. Bere erabakiak behin betikoak izango dira eta ezingo da errekurtsorik kontra aurkeztu.

Lehiaketan parte hartzeko oinarri hauek eta oinarrien ondoriozko eskubide eta betebeharrak bete-betean onartu behar dira, ezinbestez.